

Ɔwɔlɔ́á Paulo Lówanlín Sísí Efesofɔ

Itsiáha

¹ Mí Paulo ání Bulu apé sɔ nabwé Kristo Yesu sumbí ɔyɔpó, dé ɔwɔlɔ́ ánfí wanlín sísí mlí Bulu ahá ání mlilahɔ Kristo Yesu gyi, mlia mɔnyɔ mlilabwé kɔlɛ, mlíbu Efeso wúlutɔ. Nde mlí itsiá ha.

² Aní Sí Bulu mɔa aní Wíe Yesu Kristo bɔgyíi mlí buale, abɔha mlí iwílwii.

Ɔsósó Oyúla Aní Aníbu Kristotɔ

³ Mliha akanfɔ aní Wíe Yesu Kristo mɔ Sɪ pú mɔ Bulu. Tsúfɛ tsɔn ania Kristonyɔ ikɔlɛbwɛtɔ á, alapó ɔɣétɔ atɔ́á íbékpa aní fɛ́é yúlá aní tsú ɔsósó. ⁴ Asa Bulu lóbwe ɔyí á, ɔlele aní bwé mɔ kle tsɔn ania Kristonyɔ kɔlɛbwɛsɔ, ání abwéé ahá ání amó iwí letɪn, ifin kɔkɔ má aní iwí mɔ ansító.

⁵ Iníá Bulu tɔdwé aní sɔ á, ɔlɔbwe agywɪn yáí ɔbéé, mópɔ aní bwé mɔ abí tsɔn Yesu Kristosɔ. Iní gyí tɔ́á olekle, igyi mɔ apé ní. ⁶ Mliha akanfɔ Bulu, mɔ awítale anfi íbu numnyam, ɔlɔwa tsɔn mɔ Bi ɔdwepósó há aní faan anfi sɔ. ⁷ Ɔlɔpɔ mɔ Bi ámu obugya ká aní nɔwunsɔ ikɔ, sí aní lakpan kíé aní. Awítale anfi Bulu léhie wá há aní anfi íbu ifú dɔbɪ. ⁸ Mɔ nyánsa pú mɔ asón-asɪnu lalé mó fɛ́é ɔwan súná aní tsɔn ɔkpa tsɔtsɔtsɔsɔ.

⁹ Alahá anɔlabí mɔ asɔn nǎínhé ání ɔlekíklí yáí dododo ɔbéé, móbwe tsɔn Kristosɔ. ¹⁰ Mɔ asɔn nǎínhé amɔ gyí, ní bré ámu ifɔn a, móbwe mɔ atɔ bwehéá íbu ɔsú mɔa asɪ fɛ́é kɔlɛ, púwá aní Wíe Kristo asɪ.

¹¹ Bulu tɛhá mu nwuntɔ asón pú mu apé tɛba mótó brégyíbré. Mu onutó léle anɪ ɔ́bée abwée mu abí tson anɪa Kristonyɔ ikɔlɛbwɛtɔ. Tsúfɛ alí ɔ́lɔ́bwe agywun yáí dodoodo ni. ¹² Ɔ́lɛle anɪ agyankpapu ámúú anɪ ansí dɪn Kristosu ámu ɔ́bée, abékanfú mu numnyam.

¹³ Alí ilegýi ha mli é ní. Bré ámúú mlɪlónu ɔ́nɔkwali asón, igýi asun wankláán ámúú ɔ́lɔ́hɔ mli nkpa ámu, hɔ́ mósú gyi ɔ́pá mlɪa Kristonyɔ mlɪlɔ́bwe kɔ́lɛ. Bulu lópu mu Ɔ́ɛɛ Wankíhé ámu hɪɛ mli nsu, púsúná ánɪ mɔ́bú mli, fé alɪ ámúú ɔ́lɛɪɪ yáí ɔ́bée mɔ́bwe ámu. ¹⁴ Ɔ́ɛɛ Wankíhé ámu gyi ntswiasíá idesuná ánɪ anɪ ɪbɪ bédá agyapadiɛ ámúú Bulu léla yáí há mu abí ámu ni. Idesuná ánɪ alaká anɪ nwunsu ikɔ́, pówá mu numnyam.

Paulo Mpáí

¹⁵ Mú alɪ su, tsú bréá nonu ánɪ mlɪlahɔ́ anɪ Wíe Yesu gyi, pú alɪá mlɪtɔ́dwé Bulu ahá féé á, ¹⁶ mmɔ́kúsí Bulu ɪpán da mli nwunsu. Ní ndɛ mpáí bɔ́ á, ntekáín mlɪsu. ¹⁷ Ntokókóli anɪ Wíe Yesu Kristo Bulu, numnyam Ɔ́sɪ ámu mbée, ɔ́há mu Ɔ́ɛɛ ámu ɔ́ha mli nyánsa. Ɔ́lɛ mu ɔ́wan súná mli, ménɪ mlébi mu wankláán. ¹⁸ Ntɔ́kóli mu mbée, obwíi mli ansí, amlɪwun atɔ́ wankláán ámúú ɔ́bée, mlɪbékɪ ɔ́kpa ha ámu, ménɪ mlébi ánɪ atɔ́ ámúú ɔ́lɛlayáí há mu ahá ámu ihíé bu bíá. ¹⁹ Ɔ́há amlɪbi ánɪ mu túmi dɪn túmi kugyíku há anɪ ahógyipu. Mu túmi ánfɪ ɔ́ma a, kɔ́ku má ɪnu. ²⁰ Mú kén ɔ́lɛle súná bréá ɔ́lɔ́kusúá Kristo tsú afúlɪtɔ́, pú mu yéyáí mu gyɔ́pɪsu ɔ́súsú ɪnu ní. ²¹ Ɔ́nó Kristo dé iwíe gyí awíe féé, túmi kugyíku, ɔ́ɛɛ laláɛ pú ɔ́másógyí túmi féésú ni. Mu dibia dɪn dibia kugyíkuvá ɪbu nu séi

pó ðví ámuó íbéba amuó. ²² Bulu lópu tógyító wá mu asi, ðlupu mu bwé tógyító nwun há mu ðpasua. ²³ ðpasua ámu gyí Kristo ðyulóv. Kristo wá ðpasua ámu tenyá túmi kugyíku tsú. Mutéhá tógyító tawá alé yi ðtínegyíótíné.

2

Tsú Nkpa Dadatò Ba Pópwetò

¹ Asa mlilémlí Akristofó á, asutò-ònlun móa lakpanbwe su mlígyí ðhétó aha wuhé. ² Alí bré ámuó á, mlilétsiá ðmátófo atsiábi. Mlilóbuo ðhe laláhe fée owie Òbunsám. Múgyí ðhe laláhe ání ide agyómá yò ahá ámuó butamabú Bulu ámuó ní. ³ Lélé mú á, aní fée anilétsiá amó atsiábi, bwé lalahéá aní ðwóli léklé. Anilóbuo tóá aní ðyulóv pó aní agywun létsiá súná aní. Tsiátó anfi sù teki Bulu ðbébití aní isv fé aha atráhe ní.

⁴⁻⁵ Táme íniá Bulu nwewúun itsò, ðtehié dwé aní su á, ðlòtsun ania Kristonyò ikulebwesu há aní nkpa, bré ámuó anígyí aha wuhé Bulu ansító aní lakpan su ámu. Mu awítale sù ðlòhò aní nkpa. ⁶ Ania Kristo Yesunyò ikulebwe ánfí su Bulu lakúsúa ania munyò tsú lowutò, alahá aní otsiákpá Kristo wá. Ania munyò abégyi iwíe ðsósó. ⁷ Bulu léle mu awítale kpònkpònkpòntí ánfí súná aní tsun Kristo Yesusu, méní ahá ání bétrá lín fée bówwun ání mu awítale lomóní ðun tógyító. ⁸ Bulu awítale pó mlí Kristo hógyisu Bulu lótsun hò mlí nkpa. Íní motsú mlí, Bulu atokiehé igyi. ⁹ Megyí mlí bwéhé wankláán kuku su, méní mlító ðkuku móòpu ibi sí kántó. ¹⁰ Bulu lábwé aní alí ánfí anígyí. Alabwé aní aha pòpwe tsun ania Kristo Yesunyò ikulebwesu, méní abóbwe yilé ání mu onutó ðlela yáí há aní ðbé abwée.

Kristotɔ ɪkvlɛbwɛ

¹¹ Mɔ sɔ mlɪkain ɔnɪ tɛkɪ ɔmɔtɔfɔ mɪɪɪyɪ. Brɛ ɔmɔ a, Yudaɔfɔ bɔtɛtɪ mlɪ bɛɛ, “Ahɔ ɔnɪ bɔmɛtɪn ketɛ,” bɔtɛtɪ ɔmɔ ɪwɪ ketɛ atɪnpɔ. (Tɔmɛ ketɛtɪn ɔmɔ ɔ ɔ, nyankpɔsa ɔyɔlɔsɔ pɔ ɪbɪ ɔnɔ atɔ igyi.) ¹² Mlɪkain ɔnɪ ɔlɪ brɛ ɔmɔtɔ ɔ, mlɪmɛyɪn Kristo. Afɔɔ mɪɪɪyɪ. Mlɪmɛyɪ Yudaɔfɔ ɔkpɔgyɪɔkpɔsɔ. Mlɪmɔ ɔgyɪkpɔ Bulu nɪhɪɛ ɔmɔɔ ɔlɛka mɔ ɪwɪ ntam hɔ Yudaɔfɔ ɔmɔtɔ. Mɔɔ ɪɔbɔn kɔrɔɔ ɔ, mlɪ ɔnsɪ mɛdɪn tɔtɔsɔ, mlɪmɛyɪn mɔ ɛ. ¹³ Tɔmɛ sɛɪ ɔ, mlɪa Kristo Yesunɔ mlɪlabwɛ kɔlɛ. ɪnɪ sɔ Kristo latsɔn mɔ obugya ɔmɔɔ ɔlɛtsɛɪ wɔlɪ hɔ ɔnɪa mlɪnɔ ɔmɔsɔ, kpɔ mlɪ ahɔ ɔnɪ tɛkɪ mlɪbɔ ɪfɔ ɔnɪ ba Bulu wɔ. ¹⁴ Tsɔfɛ Kristo ɔnɔtɔ lapɔ ɪwɪlwiɪ wɔ Yudaɔfɔ pɔ ɔmɔ bɔmbɔsɔfɔ nsɪnɛ, bɔwɛ ɔnɪ afɔnka ɔnɔ ɔmɔ fɛɛ kɔlɛ. Alalɛ ɔlɔ ɔmɔɔ ɪɔbɔwɛ buntɪ wɔ ɔnɪ nsɪnɛ ɔmɔ. ¹⁵ ɔlɛka Yudaɔfɔ mblɔ pɔ ɔmɔ ɔmɔndɪɛtɔ, mɛnɪ afɔnka ɔnɔ ɔmɔ bɔbɔwɛ ɔpasua pɔpɔwɛ ɪkɔlɛ mɔtɔ. Fɔwun mɔa ɔmɔnɔ bɔbɔwɛ kɔlɛ, ɪwɪlwiɪ bɛtsɪɔ ɔmɔ nsɪnɛ. ¹⁶ ɔlɔtsɔn mɔ ɔyɪkpalɪhɛsɔ lowu ɔmɔsɔ lɛ ɔlɔ ɔmɔ nsɪnɛ. ɔyɪkpalɪhɛ ɔmɔsɔ ɔlɔtsɔn tswɪ ɔmɔa Bulunɔ ɔnɔ ntsɔ. ¹⁷ Brɛɔ Kristo lɛbɔ a, ɔlɛda Bulu ɪwɪlwiɪ ɔsɔn ɔmɔ ɔkan hɔ ahɔ fɛɛ. Mlɪ ɔmɔtɔfɔ ɔnɪ mlɪa Bulunɔ nsɪnɛ bɔ ɪfɔ pɔ Yudaɔfɔ ɔnɪ ɔmɔa Bulunɔ nsɪnɛ ma ɪfɔ fɛɛtɔ. ¹⁸ Kristo sɔ ɔkpɔ latɪɪ hɔ ɔnɪ afɔnka ɔnɔ ɔmɔ fɛɛ. ɔɲɛ Wankɪhɛ ɔmɔ sɔ ɔbɛtalɪ ba ɔnɪ Sɪ Bulu ɔnsɪtɔ.

¹⁹ ɪnɪ sɔ mlɪtrɔa mlɪmɛyɪ afɔɔ. Mlɪa Bulu ahɔ mlɪlabwɛ ɪkɔlɛ, mɪɪɪyɪ Bulu wɔyɪ ɔbɪ. ²⁰ Mɪɪɪyɪ fɛ ɔbuɔ bayɪ. Yesu sumbɪ ɔyɔpɔ ɔmɔ pɔ Bulu ɔnɔsɔ atɔɪpɔ ɔmɔ gyɪ mɔ nkɔpɔbɪ. Kristo Yesu ɔnɔtɔ gyɪ ɔbu ɔmɔ ɔtan. ²¹ Mɔ sɔ ɔbu ɔmɔ ɪtsɔ ɔba hɔgyɪtɔ. Mɔtɛhɔ mɔ ɪtomɔnɪ bɔwɛ Bulu ɔtswɛkpɔ ɔbu wankɪhɛ. ²² ɪnɪɔ mlɪa Kristonɔ mlɪlabwɛ ɪkɔlɛ

su á, ɔde mlia Yudafɔ ámu pɔtsá abasu, ɔde obu ání Bulu obétsiá mótó ɔhétó yíi.

3

Paulo Ɔmá Bámbásófo Bulu Asón Bláa

¹ Mí Paulo nda obu Kristo Yesu asɔn wankláán ámúú nde ɔkan da mli ahá ání mlimégyí Yudafɔto ámu su. ² Nyin ání mliánú awitɔléá Bulu lówa há mí, pó agyómá ánfɔ wá mí ɔbitɔ ɔbéé, mbwée, ɔwa labi ha mli. ³ Bulu léle mu asɔn ɔhínhé ámúú ɔlekiklí yaí ámu ɔwan súná mí. Mú nawánlín kútúklú á. ⁴ Ní mlekla ɔwoló ánfɔ a, ɔbówankí mli ání nanú Kristo ɔwi asɔn ɔhínhé amu asi. ⁵ Tsú ɔyí ɔpá á, Bulu mókólé asɔn ɔhínhé anfi súná nyankpɔsa ɔkoku. Táme séi ánfɔ á, alabele mú ɔwan tsɔn mu Ɔhɛ ámusu súná ahá ámúú alalé, bɔgyi mu sumbí ayɔpú pó mu ɔnósú atɔípú wankíhé amu. ⁶ Mu asɔn ɔhínhé amu gyí, Bulu layúlá ɔmá bámbásófo é fé Yudafɔ, tsɔn mu asɔn wankláán ámusu. Amúá Yudafɔ bamli ɔlepe ɔkuletɔ ató agyípú, alabwé amúá Yudafɔ kule. Mú su babwé ɔyulúw kule. Amú é bénya ató ámúú Bulu léhie ání ɔbéha Yudafɔ tsɔn Kristo Yesusu ámu ku.

⁷ Ina Bulu awitɔle pó mu túmisu ɔlɔbwe mí mu asɔn wankláán ámu osúmpú. ⁸ Ibo mótóá kebikusu ngyi Bulu ahá féétó. Táme Bulu lówa awitɔle há mí ɔbéé, ndáa Kristo oyúla amúú ɔdon bli ámu ɔwi ɔkan ha ahá ání bomegyí Yudafɔ. ⁹ Mólówa mí ɔbéé, nháa anyánkɔpɔsa féé abubu alíá ɔdepu mu asɔn ɔhínhé amu yó agyómá. Mólóbwe ɔsú múa asi, ɔlepu mu asón ánfɔ ɔhínhé tsú ɔyí ɔpá. ¹⁰ Ɔlɔbwe mú ali, méni ɔbótɔn mu ɔpasua ámusu lé mu nyánsa ɔtsan-ɔtsan súná ɔhɛ laláhe awíe pó atúmipwá bubu ɔtínéá

bude iwíe gyí fée. ¹¹ Iní gyí tóá Bulu léhíhíe yaí asa ɔlele ɔyí ní. Alahá mú ilaba mótó séi tsun aní Wíe Kristo Yesusu. ¹² Iníá anilahɔ mu gyí, ania munyo anilabwé ikole su á, abétalí wá klɔn yó mu ansító faan, anuméetrá nya ifú. ¹³ Mú su nde ipa bwií há mlí mbéé, mlímáha abato iwu mlí, iwɔsɔn ánfí ndewúun ha mlí ánfí su, tsúfée íbówa labi há mlí.

Kristo ɔdwe

¹⁴ Iní su mí akpawunu iyi asi, nde aní Sí ámu kokóli. ¹⁵ Mutɔ abusuan kugyíkɔá ibu ɔsó múa asi lelɔn tsu. ¹⁶ Mubúu oyúla akpɔnkpɔnti há mu abí. Mú su nde mu kokóli mbéé, mu ɔhée ámu ɔhíe wa mlí ɔkláa ɔwɔnlín tsu mu oyúla kpɔnkpɔnti atokiehé ámutɔ, ¹⁷ Kristo ɔtsun mlí hógýisɔ tsia mlí klɔntɔ brégyíbré. Nde mu kulí mbéé, ɔhá amlilɔ nín yo ɔtótó, Buludwe pó mlí abadwɛtɔ, amlilu kínkínkín. ¹⁸ Fówun mlíha Bulu ahá atráhe mlétalí bí ání Kristo ɔdwe lehíe móní, lehíe téí, ihíe bu iswí, lehíe fúá, lehíe wíe ɔtótó. ¹⁹ Ntráa nde mu kokóli mbéé, ɔhá amlíbi Kristo ɔdwe ámutɔ nyankpɔsa ɔkɔkɔ méetalí nú mú asi yi amɔ. Fówun mlí tsiátó bóbwe fée Bulu klé.

²⁰ Iníá Bulu túmi de agyómá yo anitɔ su á, ɔtetalí bwé ató há aní dun alá anitɔkólí mu, ntée anitosúsu. ²¹ Iní su mlíha akanfu Bulu. Anyánkpɔsa ilíntɔ fée bukánfu mu ató akpɔnkpɔnti ámutɔ ɔdebwe Kristo Yesu pó ɔpasua ámutɔ ámu su, tsú séi yófun bréá itamatá. Amen!

4

Ania Kristonyɔ Ikwébwɛ

¹ Iní su mí ánfí nda obu aní Wíe agyómá yo su ánfí nde ipa bwií há mlí mbéé, mlítsía tsiátó oduá

ilekanáa alá Bulu léle mli òbée, mlibétsiá. ² Mliba iwasi, amlilwii. Mlunya klòn ha aba, amlidwe aba. ³ Òye Wankíhé amv lahá mlibawé kole. Mú sv mlibò mbódí amlitsia iwilwiitò, ménì ikolebwe ámv ibétsiá mlitò yó. ⁴ Òyolòv kole iwì ntobí anì fée anìgyí. Òye Wankíhé kole pé bu ìnv. Alì kén Bulu léle anì fée òbée, abékì toku kole pé òkpa ní. ⁵ Owíe òkule; hógyi kole; asúbò kole. ⁶ Bulu òkule. Mvgyí anì fée Òsí. Mudé anì féesú gyí, òde agyómá yò tsun anì féesú, otsie anì féesú.

⁷ Kristo lówa awitòle ye atokiehé há anì fée òbée, apúyò mv agyómá, ⁸ fé alá bòwanlín wá Bulu asún ámvò bée,

“Bréá òlòyò òsúsú á,
òlekpa ndoun buo iwì,
kíe ahá ató.”

⁹ Ní bòwanlín wá Bulu asún ámvò bée, “Òlòyò òsúsú” á, idesuná anì Kristo légyankpá kplì wíe òsolótò. ¹⁰ Mómú idesuná anì òhá ámvú òlekplì wíe òsolótò ámv kén lóyò òsúsú, òtínéá òlòfá òvò nì, ménì òbòbulá òsú móa asì fée, há mv ìfvn. ¹¹ Kristo onutó lóbwe anitò akv mv sumbí ayòpú. Akv Bulu ònósú atòipú. Akv mv asvn wankláán ámv òkan adapú. Akv é akpapú pú asunápú. ¹² Kristo léle amó alì, ménì Bulu ahá bétalí yó mv agyómá, pówá Kristo òyolòv ikole; ígyi mv òpasua ámv òwonlín, ¹³ ménì anì fée abóbwe kole hógyitò, bí Bulu mv Bi ámv. Fówun abédan, fvò òkpagyíòkpasv fé Kristo. ¹⁴ Ìnv sv anímétrá bwe fé nyebíá ahá anì amó ònò bu òdwe bétalí pú amó atosunáhé pòpwe kugyíkv bémle, fé alá ntsu tedá òklòn ya òtínegyíòtínéá ideklé. ¹⁵ Mbóvùn mliha abláa aba ònòkwali asún ámv òdweò, ménì abédan tógyítótó, bwé fé Kristo, ogyi

ɔpasua ámu nwun. ¹⁶ Ina musu ɔyulúv, igyi ɔpasua ámu ɔtínegyíɔtíné itsa aba, ide aba wankláán. Ní nyankpɔsa-oyí iwí ntobí ámu fée ide mó agyómá yɔ wankláán á, Kristo tehá mó itedan ɔdwetɔ.

Nkpa Dada Mɔa Pɔpwe

¹⁷ Mó su nde mli ɔlá da aní Wíe idátó mbée, mli mátrá tsiá fé ahá aní bɔmeyín Bulu. Itɔ́á mɔ́owa labi há amó iwí bɔtɔgywín. ¹⁸ Amó nwuntɔ lóklun. Mó su bɔma nkpa pɔpwe amóú itsú Bulu wá ámu, tsúfé bɔmeyín tɔtɔ. Ikluntɔ bu amó odwin. ¹⁹ Lalahɛbwe tamawá amó péli, bɔtekle hakpanla kugyíku bwe. Bɔtɔbwé lalahɛ kugyíku, bɔtamatalí kítá iwí.

²⁰ Táme mli mó á, megyí tsiátó anfi odu mli lékasí tsú Kristo iwí. ²¹ Nyin aní mli lanú Yesu iwí asón, basúná mli ɔnɔkwaliá ibu mɔtɔ é. ²² Mó su mli si mli tsiátó dada amóú mli létsiá ámu. Mli ɔwólí lalahɛ lémlé mli alí bré ámɔtɔ, ileha mli tsiátó leyintá. ²³ Mli ha Bulu ɔbwe mli klɔn pú mli agywun pɔpwe. ²⁴ Mli tsia tsiátó pɔpweá igyi Bulu atsiábi, mó iwí letin, ina dínká ɔnɔkwali ɔkpa ámusu.

²⁵ Mó su mli tɔ okugyíɔku ɔmátrá wa afunu. ɔhagyíɔha ɔbláa mu ba Okristoyin ɔnɔkwali. Tsúfé aní fée anigyí nyankpɔsa-oyí ɔkɔle amu iwí ató. ²⁶ ɔbló ikítá mli á, mli máha mó iha amlɔbwe lakpan. Imátsiá mli tɔ yófun owi tahé. ²⁷ Mli mátepi há ɔbɔnsám ɔkpa ɔmle mli, amlɔbwe lakpan. ²⁸ Owikplu mátrá wí ató. ɔpúv mu ibi yɔ agyómá, méní obénya tɔku kpá mu iwí, nyá iku é há ahá aní bɔma kuku. ²⁹ Mli máha asun lalahɛ kuku idali tsu mli ɔnó. Mbóun mɔ́á ibóbuá ɔha, ibóbwe yilé, wá labi, wá mó anupú ɔwɔnlín. ³⁰ Mli mábwe tɔ́á ibéhan ɔhe Wankíhé amu. Tsúfé mu Bulu lópohe

mli nsu, pɔsúná ání mɔbó mli, móhɔ mli nkpa eke ámu ni. ³¹ Mliɛ ɔnsipekpan, olu pɔ ɔblɔkpán, itré, isia pɔ lakpan kugyíku agywun le mliɔ. ³² Mboún mliwa awitɔle ha aba. Mliwun aba nwe, amlisi lakpan kie aba fé alí ámóú Kristo su Bulu lési mli klé kíé mli ámu.

5

Akristofɔ Atsiábi

¹ Iníá Bulu abí ání ɔtehié dwé mligyí su á, mlitsia mu atsiábi. ² Mliɔwe aba ɔkpagyíɔkpasu, fé alíá Kristo lɔɔwe ani, tsúlá bɔmɔ mu ani su. Ɔlɔpu mu iwɔ bwé atɔ hahé pɔ afɔɔɔie-abɔtɔá ɔbu ɔfan fánfáánfán há Bulu, ilegyi mu ansí.

³ Bulu latin mli iwɔ. Mó su mli máwa atsi móa ayin asún, wá hakpan, ntée ɔnsípe. ⁴ Mó ɔma a, uma aleá mléblí asún ání ɔbu péli pɔ móa uma anulé, ntée wá ɔplɔkpan. Mboún mliɔa Bulu ipán brégyíbré. ⁵ Iwánkí mli ání mbua ɔtɔpɔ, ɔhakpan ntée ɔnsípe ɔwapó ɔkuku méenya ogyíkpa Kristo mba Bulu iwíegyi ámɔtɔ. (Tsúfé ɔnsípe ɔwapó gyí fé ɔkpi ɔtswépu).

⁶ Mli máha ɔkpa ɔhaa ɔpɔú asún ání uma labi kuku mlé mli. Tsúfé tsiátó laláhe anfi odu só Bulu tenyá ɔbló bíti ahá ání bubu asɔtɔ-ɔnlɔn isu ní. ⁷ Mó su mli mápu amó gyi mba. ⁸ Bré ámu a, oklúntɔ mlitsie mliɔé lakpan bwe, táme séi á, mli a ni Wíenyɔ mlilabwé ikole. Mó su mlitsie wankitɔ. Iní su mli tsiátó isúna ání mlitsie wankitɔ. ⁹ Tsúfé ɔhá ání ɔbu wankitɔ tɔbwé yilé. Mu asún da ɔkpa, ɔbu ɔɔkwali. ¹⁰ Mó su mli bɔ mbódí amlikasí tɔá Bulu tekle. ¹¹ Mli mágyi mba. Labi kuku uma móú. Mboún mliɛ amó bwehé ɔwan. ¹² Ihíé bu péli ání

béblí ntobíá ahá bwtəbwé ηáinto ιwi asón kóráá.
¹³Táme ní itə wankíhé iwánkí wólí tóá ιbu oklúntəsu á, itemlí itowunhe. ¹⁴Tsúfé atə wankíhé telé tógyító əwan. Mú sú beblí beε,
 “Ədidípó, tsinki.

Kusu tsu afúlitə,
 Kristo əwanki woli fósú.” ni.

¹⁵Ini su mlíkí mlí tsiátó wankláán. Mlumátsiá nkpa fé aha mimláhe, mboun mlitsia fé atiansipv.

¹⁶Ní mlenyá bréá mlópυbwé itə wankláán á, mlumáyintá mú. Tsúfé lalahεbwe lamóní ahi bré ánfítə. ¹⁷Mú su mlimábwe mimlála. Mboun mlubə mbódí amlibí tóá aní Wíε tekle, amlibwe mú.

¹⁸Mlumánu ntá bó, tsúfé iteyíntá əha. Mboun mlíha Əhé Wankíhé amv əbula mlí brégyíbré.

¹⁹Mlipv Bulu asón wá ιv, amlíwa ιvə Əhe Wankíhé lópυwá mlí kluntə pvtəi kpla aba; amlíwa ιv é tsu mlí kluntə kanfv aní Wíε. ²⁰Mlída aní Sí Bulu ipán tógyítótó brégyíbré, aní Wíε Yesu Kristo idátó.

Akristofə Akúlu Múə Aká Tsiátó

²¹Mlíba iwiasí ha aba fé alíá mliteba iwiasí há Kristo.

²²Ətsi, ba iwiasí ha fú kúlu fé alíá futeba iwiasí há Kristo. ²³Tsúfé okúlu bv túmi mv kasv, fé alíá Kristo bv túmi əpasua ámvsv. Əpasua ámv gyí mv əyuləv, Kristo amv onutó gyí mú Əlepó. ²⁴Alí ámúv əpasua ámv teba iwiasí há Kristo amv a, alí kén əká é əbá iwiasí ha mv kulu tógyítótó ni.

²⁵Akúlu, mlídwε mlí aká fé ahi ámúv Kristo lódwe əpasua ámv, tsúlá bəmə mv mú sv ámv. ²⁶Kristo lótsulá bəmə mv pótin əpasua ámv ιwi há Bulu. Olebie əpasua ámv ntsu, pú mv asón ámv gyóra mú ιwi. ²⁷Omekleá ifin pú asvansv bétsiá əpasua ámv

iwɪ, ntɛɛ mɔ ɔtɪnɛkɔ ɪbɔkpɔkpɔ tɪá, mɛnɪ ɪbɔwɔ mɔ onutɔ ámu akíle fé obitebí, ɔbékpa mɔ ba mɔ iwɪ wá. ²⁸ Alɪ kén lehián ánɪ oyin ɔbɔdwe mɔ ka fé mɔ iwɪ ní. Oyin ánɪ ɔtɔdwé mɔ ka tɔdwé mɔ onutɔ iwɪ. ²⁹ Tsúfé ɔhaa tamalú mɔ iwɪ, bulá ɔtebulá mɔ iwɪ, kɪ mɔ iwɪsɔ wankláán fé alɪá Kristo é tɔbwé há ɔpasua ámu. ³⁰ Tsúfé anɪ féé anɪgyí Kristo ɔyɔlɔbɔ iwɪ ntobí. ³¹ Fé alɪá bɔwanlín wá Bulu asón ámutɔ beɛ, “Inɪ sɔ oyin ɔbénatí sí mɔ sɪ mɔa mɔ yin, yémantá mɔ kasɔ. Fówun amó abanyó ámu bɔbwe ɔyɔlɔbɔ kɔle” nɪ. ³² Ɔnɔkwali, Bulu asón nɪáinhé anfitɔ bu odwin. Ndekí mbéɛ, Kristo mɔa ɔpasua ámu iwɪ asón igyi. ³³ Mlɪ é mlɪ asón igyi. Mɔ sɔ ntráa nde mlɪ bláa mbéɛ, oyinyíoyin ɔdwéɛ mɔ ka fé mɔ onutɔ iwɪ, ɔtsɪ é obu mɔ kulu.

6

Abi Mɔa Akwíɔpɔ

¹ Abí, mlɪa anɪ Wíenyɔ mlɪlabwé kɔle. Mɔ sɔ mlɪbu mlɪ akwíɔpɔ. Tsúfé mógyí tɔá ɪda ɔkpa ánɪ mlɔbwe ní. ² Inɪ gyí mbla ámutɔ gyankpapɔá ɔlehɪe oyúla mántá mɔsú ní. “Bu fú sí mɔa fú yín, ³ mɛnɪ ɪbɔwɔ alé há fú. Fówun fédan fulɪ nwun fú nkpa ánfítɔ.”

⁴ Abí así, mlɪmátsiá wá mlɪ abí ɔblɔ. Mboun mlɪyɪa amó, amlisuna amó atɔ alɪá anɪ Wíe tekle.

Nkpábi Pó Amó Awíe

⁵ Nkpábi, mlɪbu mlɪ awíe. Mlɪnya amó ifú, amlɪbu amó tsu mlɪ klɔntɔ fé alɪá mlɪtobú Kristo. ⁶ Mlɪmábwe yilé amó ansítɔ alɪá békánfú mlɪ sɔ. Táme fé Kristo nkpábi a, mlɪbwe atɔ tsu mlɪ klɔntɔ fé alɪá Bulu tekle. ⁷ Mlɪle iwɪtɔ yɔ agyómá ansigyísɔ ha amó, fé Kristo mlɪdé mó yɔ há, megyí nyankpɔsa.

⁸ Mlɪɪnka ansí ání anɪ Wíe ɔbéka ɔhagyíɔha ikɔ, itɔ wankláán kugyíkɔá ɔɔbwe sv. Ní ɔkpábi fugyi o, fotsie fú iwɪsv o.

⁹ Awíé, mli é mlíkita mli nkpábi wankláán, fé alíá nablí bɔtsɔn. Mlɪmábwe amó kpóunkpóun. Mlɪkain ání mliha amónyɔ féé owíe ámu bu ɔsósó. Mu mó ɔtamakí ɔhaa ansító.

Bulu Akɔ́tɔ

¹⁰ Mí asón tráhe-tráhe gyí, apíó, mlɪtsɔn ania anɪ Wíenyɔ ikɔlebwe sv amlíha mu ɔwa mli ɔwɔnlín tsu mu túmi kpɔnkpɔntɪ ámutɔ. ¹¹ Mlɪɪɪda isá-akɔ́tɔ fééá Bulu lahá mli ɔbéé, mlɪpókɔ ɔbɔnsám, ménɪ mlétalí líí mu ɔmle ámu ɔnó. ¹² Tsúfé megyí ania anyánkpósa dékɔ. Mboún ania ɔhétɔ túmi laláhe, atúmipɔ pú ɔhe laláheá bɔbɔ ɔyí klúnhe anfitɔ pú ɔtíneyíɔtíné dékɔ. ¹³ Mú sv mlɪɪɪda Bulu akɔ́tɔ ámu féé, ménɪ ekeá lalahé kv ifwíé mlɪtɔ á, mlɪméesrí, mlétalí líí mú ɔnó, trá nya ɔhé wá ɔwɔnlín líí kínkínkín.

¹⁴ Mú sv mlɪkɔsv, amlɪɪda iwɪsv. ɔnɔkwaliwa ɔbwéé ɔféá ikli mli osiésó. Yilébwe ɔbwe mli kántɔ-atíntɔ. ¹⁵ Iwɪsvda há iwɪlwíi asɔn wankláán ámutɔ kitá pú mú blí ɔbwéé mli isátɔ ntɔkɔta. ¹⁶ Inɪ féé ɔma a, mlíkita Kristo hógyi ámutɔ brégyíbré. ɔbwéé mli atíntɔá mlóputɪn mli iwɪ, ménɪ ɔbɔnsám mbɪn píɔnpíɔn ámutɔ idetsúsv ámutɔ kɔkv ɪmóɔwɔ mli. ¹⁷ Mlɪpɔ Bulu nkpahó ɔmu bwe mli kɔtɔpa. Mlíkita Bulu asón ámutɔ, ɔbwe mli isátɔ ɔdayí ání ɔhe Wankíhé ámu tɔhá mli. ¹⁸ Mliha Bulu ɔhé ámu ɔkpa mli, amlɪbɔ mpái brégyíbré. Mlɪkɔli Bulu, ɔtsa mli ɔkpagyíɔkpasɔ. Mú sv mlɪɪnka ansí iwɪsv. Mlɪmási mpái bɔ há Bulu ahá féé. ¹⁹ Mlɪbɔ mpái ha mli. Ní nobwíí ɔnó á, Bulu ɔpúv mu asón ámu wa mí ɔnó;

ɔha mí antali wa klɔn bli asɔn ɲáínhé amóó ɪbu mu asɔn wankláán ámuɔɔ ámu fée. ²⁰ Asón ámu ɪwi sumbí ɔyɔpó ngyi. Mó ɔkanda só nda obu ní. Mlibɔ mpái mhaa, Bulu ɔhá mí antali wa klɔn bli mó alíá ilehián.

Iklá

²¹ Osúmbi ɔnɔkwaliɔvɔ anɪ píó ɔdwepó Tihiko gyí anɪ Wíe agyómá ámuɔɔ. Ɔbébláa mli mí ɪwi asón fée, ménɪ mlébi alíá ngyi pó tóá ndebwe. ²² Ɔni kóún sɔ nde mu wa mli wá ní. Ndeklé mbéɛ, ɔbébláa mli alíá tógyító ɪde mósó yɔ nfi. Ɔtɔɪ kpla mli pɔwa mli ɔwɔnlín.

²³ Ɔsí Bulu muɔa anɪ Wíe Yesu Kristo buháa mli ahógyipɔ amv fée iwílwii. Buháa amlitsia dwe aba, mli ansí ɪdɪnka Bulusɔ bré fée. ²⁴ Ogyii ahá ání buɔtamasí anɪ Wíe Yesu Kristo dwe fée buale.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

01b09958-fa53-51d1-aae0-88c7e9302503